



**A**Dolphus ex illustri familia comitum de Nassau natus, & in omni genere uirtutum educatus fuit. Itaq; militarem disciplinam exactè didicit, atq; in adolescentia ob corporis & animi fortitudinem magnam omnibus de se spem exhibuit. Cum autem paternam ditionem regendam suscepisset, bellum ei grauissimum cum duce Brabantiae exortum, in eo tanta fortitudine egit, ut quinque excellentissimos ducis Brabantiae Satrapas praelio ordine superarit, & deuicerit. Tandem uerò ipse per insidias captus, duci offertur. Tunc rogatus quis esset: Respondit: Comes sum Nassouiae, rerum quidem non magnarum dominus, uerum maximarum

uirtutum aemulator. Tum uerò ad ducem conuersus, inquit: Heus quis tu es? Sum, inquit ille, dux Brabantiae, quem bello persecutus es, & cui quinque strenuissimos duces occidisti. At Adolphus inquit: Miror quomodo ens meum euaseris, quem in te acui, praesertim cum praeter omnibus alijs animus te occidere gestiebat. Dux Brabantiae audiens liberam comitis uocem, eum ex captiuitate liberum demisit, atq; muneribus honoratum, in suam familiaritatem accepit.